

同治朝

東華續錄

東華續錄目錄

同治一

起咸豐十一年七月癸卯止九月

同治二

咸豐十一年十月

同治三

咸豐十一年十一月

同治四

咸豐十一年十二月

同治五

同治元年正月

同治六

元年二月

同治七

元年三月

同治八

元年四月

同治九

元年五月

同治十

元年六月

同治十一

元年七月

同治十二

元年八月

同治十三

元年閏八月

同治十四

元年九月

同治十五

元年十月

同治十六

元年十一月

同治十七

元年十二月

同治十八

二年正月

同治十九

二年二月

同治二十

二年三月

同治二十一

二年四月

同治二十二

二年五月

同治二十二 二年五月

同治二十三 二年六月

同治二十四 二年七月

同治二十五 二年八月

同治二十六 二年九月

同治二十七 二年十月

同治二十八 二年十一月

同治二十九 二年十二月

同治三十 三年正月

同治三十一 三年二月

同治三十二 三年三月

同治三十三 三年四月

同治三十四 三年五月

同治三十五 三年六月

同治三十六 三年七月

同治三十七 三年八月

同治三十八 三年九月

同治三十九 三年十月

同治四十 三年十一月

同治四十一 三年十二月

同治四十二 四年正月

同治四十三 四年二月

同治四十四 四年三月

同治四十五 四年四月

同治四十六 四年五月

同治四十七 四年閏五月

同治四十八 四年六月

同治四十九 四年七月

同治五十 四年八月

同治五十一 四年九月

同治五十二 四年十月

同治五十三 四年十一月

同治五十四 四年十二月

同治五十五 起五年正月止二月

同治五十六 起五年三月止四月

同治五十七 起五年五月止六月

同治五十八 起五年七月止八月

同治五十九 起五年九月止十月

同治六十 起五年十一月止十二月

同治六十一 六年正月

同治六十二 起六年二月止三月

同治六十三 六年四月

同治六十四 起六年五月止六月

同治六十五 起六年七月止八月

同治六十六 起六年九月止十月

同治六十七 六年十一月

同治六十八 六年十二月

同治六十九 七年正月

同治七十 七年二月

同治七十一 起七年三月止四月

同治七十二 起七年閏四月止五月

同治七十三 起七年六月止七月

同治七十四 起七年八月止九月

同治七十五 起七年十月止十二月

同治七十六 八年正月

同治七十七 起八年二月止三月

同治七十八 起八年四月止五月

同治七十九 起八年六月止七月

同治八十 起八年八月止九月

同治八十一 八年十月

同治八十二 起八年十一月止十二月

同治八十三 九年正月

同治八十四 起九年二月止三月

同治八十五 起九年四月止五月

同治八十六 起九年六月止八月

同治八十七 起九年九月止十月

同治八十八 起九年閏十月止十二月

同治八十九 起十年正月止三月

同治九十 起十年四月止六月

同治九十一 起十年七月止九月

同治九十二 起十年十月止十二月

同治九十三 起十一年正月止五月

同治九十四 起十一年六月止八月

同治九十五 起十一年九月止十二月

同治九十六 起十二年正月止四月

同治九十七 起十二年五月止七月

同治九十八 起十二年八月止十二月

同治九十九 起十三年正月止六月

同治一百 起十三年七月止十二月甲戌

穆宗毅皇帝 文宗長子也

聖母慈禧端佑康頤昭裕莊誠壽恭欽獻皇太后那拉氏前任安徽徽甯池太廣道追封承恩

公惠徽之女稟粹通門延釐大室事

文宗顯皇帝柔嘉維則淑慎其儀化佐坤元祥符震索以咸豐六年丙辰三月二十三日未時誕 上於御園之儲秀宮時 孝貞顯皇后方切祈禱之禱適符主器之占 聖懷歡悅撫育恩勤同一致焉 上之

生也

文宗以

天恩

祖佑喜溢丹毫爰有庶慰

在天六年望更欣率土萬祈人之詠由是 常零成禮則有云 鴻恩

幼子千春慶湛靜升香則又云喜見麟孫慰 母恩而且喜音之額彪炳 璇題周歲之章焜煌 宸翰固不待誕膺洪祚早

知 世德克承已

上聰明天亶氣度煒如英毅外流沈潛內蘊六齡就傅

文宗特命受書於翰林院編修李鴻藻厥後大

學士祁雋藻翁心存倭仁檢討徐桐修撰翁同龢諸臣同心納誨輔導

聖功

盛德大業富有日新逮乎繼序之初 思齊

作則 上稟承 懿訓念典逾勤主善爲師則 殿闡弘德以古爲鑑則書 賜啟心 聖學既充 皇猷斯懋續承 謨烈

簡任賢親 文教誕敷

武功書定巍巍蕩蕩蔑以加已 上生有聖德純孝性成奉事

文宗暨兩宮

皇太后承 顏

養 志式洽 聖心恭讀

御製詩有云繞膝堂前助笑顏益雖在幼齡而 宮寢追隨 庭闈拜舞極

天家樂事焉歲在

庚申 文宗三旬萬壽

賜宴臣工時

上甫五齡稱觥祝 壽儀度備嫺

宸懷彌暢

特命 上出見廷臣凡瞻仰

表著莫不稽首歡呼益信

聖

聖相承篤膺 天眷無疆之休基諸此矣是年八月

文宗舉行秋獵

駐蹕灤河 上奉

兩宮 皇太后從○咸豐十一年辛酉秋七月丁亥朔越癸卯

文宗顯皇帝賓天先是 聖躬不豫 上侍疾煙波致爽殿

籲 天虔禱問視維謹王寅 文宗疾大漸召御前大臣載垣端華景壽肅順軍機大臣穆蔭匡源杜翰焦祐瀛承寫 硃諭

立皇長子 爲皇太子越翌日寅刻

文宗升遐

上稽顙大慟擗踊無算扈從諸臣遵奉 遺旨請 上卽正尊位辰刻

上恭視小殮畢奉安 大行皇帝靈駕於煙波致爽殿東間○諭內閣朕受 皇考大行皇帝鞠育顧復深恩昊天罔極 聖

壽甫逾三旬朕宮庭侍奉正幸愛日方長期願可卜上年夏間偶患痰嗽旋即調攝就痊秋間

巡幸灤陽

聖體康強猶昔

乃因各省寇氛未靖 宵旰焦勞至本年春間風寒感發舊疾六月間復患暑瀉以致元氣漸虧本月十六日子刻力疾 召

見載垣端華景壽肅順穆蔭匡源杜翰焦祐瀛

特命承寫 硃諭立朕爲皇太子朕痛哭受 命哀迫戰兢方冀 慈躬轉

危爲安常承

恩誨詎意親奉 顧命後病勢增劇遂至大漸十七日寅刻

龍馭上賓搶地呼天 號莫及敬思 皇考御

宇十有一年 惕厲憂勤 萬幾鮮暇無日不以敬 天法 祖勤政愛民爲急務蠲緩賦稅簡拔人材圖計民生時座 聖

慮凡有血氣者其悲哀感戀罔不出於至誠朕之泣血惟心尙忍言乎惟念 付託至重責在藐躬尙賴內外文武大小臣工共矢公忠弼予邪治其帶兵大員尤須嚴申軍律迅殄賊氛各直省督撫亦應撫輯斯民以仰慰我 皇考在天之靈朕實有厚望焉至喪服之制欽奉 皇考遺詔令依舊制二十七日而除朕心實所不忍仍當恪遵古制敬行三年之喪庶幾稍盡孺慕之誠至於 郊 廟祭祀大典自不應因大喪而稍略其禮其應如何遣官恭代及親詣行禮之處著各該衙門查照向例集議以聞其天下臣民應持服制仍照定例行將此通諭中外知之○命耆親王仁壽豫親王義道恭親王奕訢醇郡王奕譞大學士周祖培協辦大學士戶部尚書肅順吏部尚書全慶陳孚恩工部尚書綿森右侍郎杜翰恭理喪儀豫親王恭親王周祖培全慶仍在京辦事○命署直隸總督文煜來熱河叩謁 梓宮○甲辰 上恭視 大殮畢奉安 梓宮於澹泊敬誠正殿行殯奠禮 上以煙波致爽殿爲倚廬席地寢苦每日詣 几筵前奠獻三次○奉 母后 聖母居煙波致爽殿每日親詣問安○諭內閣朕續承大統 母后皇后應尊爲 皇太后 聖母應尊爲 皇太后所有應行典禮該衙門敬謹查例具奏○諭道光三十年 皇祖宣宗成皇帝大事 皇考曾遵嘉慶二十五年成例停止各省將軍督撫提鎮藩臬及鹽關織造等來京叩謁 梓宮今 皇考大行皇帝在山莊升遐恭奉 梓宮回京除熱河都統本在熱河直隸總督已諭令前來熱河叩謁 梓宮外其餘直隸各大員俱不必前來各路統兵大臣各省將軍督撫副都統提鎮城守尉並盛京侍郎奉天府尹西北兩路將軍大臣及學政織造關差等均不必奏請前來致曠職守各該大臣將軍督撫提鎮等受 皇考深恩惟當竭誠盡職以期無負委任不在儀節虛文也將此通諭知之○諭 皇考大行皇帝龍馭上賓朕應恭奉 梓宮回京進宮後暫安觀德殿所有一切典禮著在京恭理喪儀王大臣先期敬謹豫備其沿途經過地方所有 蘆殿地盤及橋梁道路古北口以內著直隸總督恭辦古北口以外著直隸總督會同熱河都統恭辦著即督飭各該地方官妥速辦理務須一律寬平穩固不得草率遲誤其承辦各員不准藉名科派擾累閭閻以副 皇考惠愛羣黎至意○諭道光二十六年三月 皇祖特降諭旨以二名不偏諱將來繼體承緒者上一字仍舊毋庸改避亦毋庸缺筆其下一字應如何缺筆之處臨時酌定以是著爲令典等因欽此今朕敬遵 成憲將御名上一字仍舊書寫毋庸改避下一字毋庸缺筆凡臣工章奏內遇有此字著用滿字改避其奉旨以前所刻書籍俱毋庸議○乙巳諭內閣自古神聖之君繼天立極必有隆稱顯號昭示來茲洵萬世不易之典也我 皇考大行皇帝御宇十有一年寅畏敬恭朝夕惕 郊壇大祀至誠昭格展敬 陵 廟盡制盡倫卽位之初廣開言路 手諭訓勵臣工痛戒因循杜貢獻以昭節儉嗣性理以崇聖學勤求邦治整肅紀綱孜孜惟恐不及洎乎邊隅不

將出師任賢勿貳邊翦巨寇捷書入告未嘗稍自矜伐每當軍書旁午日昃不遑召對臣工親裁庶政十一年如一日

偶值偏災調除賑貸惟恐後時開海運以實倉儲廣中額以興文教敦睦宗支欽恤庶獄舉行團練而武備修整飭戎行而軍威振愚民悔罪投誠寬其既往予以自新凡此皆以天地之量爲量以堯舜之心爲心顧予冲人仰承遺命寅紹公基雖至德謙冲聖不自聖而永懷啟佑之恩宜備尊親之典詳考彝章恭上謚號著大學士九卿等詳察典禮具奏○諭惠親王係朕之叔祖其尋常召對及內廷筵宴等禮節業經皇考大行皇帝加恩免其叩拜以示尊崇悖親王

恭親王醇郡王鍾郡王孚郡王均係朕之叔若於內廷召對動輒叩拜與諸臣略無區別朕心實有不安嗣後除朝會大典仍遵定例行禮外其尋常召對以及三年後內廷宴會均無庸叩拜至宮中祭神賜食祭肉應向上叩拜惟不必於朕

前隨眾行禮遇有賞賜物件著具摺謝恩無庸當面叩首以示朕敦長親親之至意○詔各遊牧之蒙古王公台吉等俱免來京○丙午諭內閣各省督撫鹽關向有呈進方物朕見在諒陰之中食處皆所不安著通諭各省督撫鹽政織造關差等一應貢獻概行停止即食品亦不准呈進俟三年之後再候諭旨○諭本年順天鄉試著展期於九月內舉行本年補行

恩科武會試及順天武鄉試如何展緩辦理之處著兵部迅速議奏尋奏武會試展至十月舉行武鄉試展至十一月舉行從之○官文胡林翼李續宜奏逆首李秀城竄踞江西瑞州義甯武甯各郡已後分擾興國崇陽通城大冶通山武昌咸甯蒲圻等州縣逼近省城李續宜因武昌縣城與黃州府城隔江對峙恐賊踞修礮壘阻我長江即派遣員將該學率湘左

等營前往守禦旋據蔣凝學稟稱賊已竄踞武昌縣城該道會同水師遊擊會紹霖等督帶礮船水陸夾攻蔣凝學督率隊伍直駐武昌近城之西山左右設伏城賊分路來撲蔣凝學等親自督戰賊眾不支伏兵齊起賊遂大敗復經水師沿岸轟擊計殺斃騎馬賊目三名賊匪數百名淹斃受傷者尤眾生擒七十五名賊受創後閉城不出經會紹霖等用礮環擊賊不能守遂

於十六日奪路而逃當將縣城克復該逆大股仍盤踞興國之龍港等處擄掠民船希圖上犯先經官文派撥唐瑞廷等帶領礮船入梁子湖迎擊按察使彭玉麟派水師參將喻俊明連日攻剿斃賊數百名焚燬賊船五百餘號賊胡林翼由太湖

回省先經官文李續宜派總兵成大吉率貞右等十營蔣凝學率湘左等四營知府毛有銘率湘右等二營都司孟麟率馬隊由省南之保安金牛一路進剿興國大冶等處副將何紹彩等帶新訓四營遊擊王先昌率新昌營都司李克儉率

馬隊由省西之咸甯進剿蒲圻崇陽通城等處並飭會合已革皖南道李元度上下夾擊分路前進維時署咸甯縣知縣金東昀等督率兵勇於六月初二日將縣城收復適李元度所部各營自平江拔營將馬港乾塘坳等處節節掃蕩賊遁入

通城於西門外孤鶩山築壘二座賊首僞黃天幅伍逆等將城加高安設滾木梅花椿爲久踞之計李元度派遊擊李正盛等進攻西門一路又派王清等進攻東門一路該逆率都司王連發等進攻南門中路先將黃泥坳賊卡攻破槍斃多名知縣傅詩督帶紳團兵勇直趨孤鶩山賊壘該逆開礮抗拒我軍奮勇猛撲將火彈延燒賊棚逆眾慌亂退入西北門我軍跟蹤進城殺賊三百餘名逆眾向崇陽奔逃卽於六月初三日克復通城縣城餘賊向南樓嶺越竄有由桂口司歸併崇陽者李元度派各營進紮桂口自率岡字等營駐守通城初五日陳奉彝等率五營直逼崇陽南門外山岡約會知縣王筠節勸明進兵之路往誘賊戰該逆伏匿不出初六日該營等三路進攻悍賊千餘人拒戰其餘逃往寒泉大源一帶係往通山義甯之路經各勇槍斃百餘名該逆且戰且逃我軍追殺六百餘名生擒七十名救出難民數百餘名卽於初六日克復崇陽縣城何紹彩等復由咸甯進剿搜殺餘匪成大吉等由武昌縣屬之保安金牛沿途剿洗踏平賊壘殺賊甚多所有分擾興國大冶通山之賊經水師節節堵剿賊已不能逞志嗣見金牛大股挫敗我軍分道齊至逃往江西義甯各該州縣地方均已平靖見在李元度之軍已乘勢追出義甯州並移會江西交界各州縣實力堵剿所有在事尤爲出力員弁兵勇咨俟查明覈實保獎

上諭逆首李秀城竄踞江西瑞州等郡縣後糾集大股擾及興國崇陽通城大冶通山武昌咸甯蒲圻等州縣逼近省城經官文等調派各軍分路剿辦將武昌蒲圻等縣城次第克復省南一律肅清辦理甚爲得手著官文等督飭各軍實力剿洗毋畱餘孽在事出力員弁兵勇著官文等查明覈實保奏候朕施恩○官文胡林翼李續宜奏查通城崇陽敗賊逃竄義甯州屬之官溪李元度隨派營官吳蘭蕙等於六月十二日直抵官溪該逆不意我軍驟至初猶冒死抗拒繼見官軍圍攻甚力紛紛潰竄各營趕殺百餘人十三日我軍進攔州城先將杭口賊卡攻破擊殺百餘人餘賊敗奔入城十四日各勇攀堞登城呼聲震地該逆且戰且退經我軍殲斃二百餘人生擒七十餘名敗賊分竄武甯新昌兩處追殺各數十里登時克復城池除查明出力員弁兵勇擇尤保獎顯懇恩施外已革按察使皖南兵備道李元度於旬日之內連克通城崇陽義甯三州縣城池實屬奮勉可嘉可否籲懇 天恩賞還李元度按察使原銜以昭激勵其在皖南道任內失守一案仍由會同藩訊明分別辦理

上諭官軍克復通城崇陽後餘賊逃竄江西義甯州屬之官溪地方經官文等督飭李元度乘勝進剿將義甯州城克復已革安徽甯池太廣道李元度著賞還按察使原銜其失守一案仍著會同藩訊明分別辦理○實授駱秉章四川總督督辦軍務○召劉源灝來京以福濟爲雲貴總督崇實爲成都將軍並接辦川陝交界防堵事宜○會同藩奏去冬以來竄擾江西之賊前後凡五大股其由皖境竄入自北而南者三股一曰僞主將黃汝金連陷建德鄱陽六縣經左宗棠鮑超

於洋塘擊退一日僞侍王李侍賢連陷浮梁景鎮等處經左宗棠於樂平擊退此二股均未入江西腹地一日僞忠王李秀城正月初間連圍玉山廣信廣豐三城未破又深入內地圍建昌撲撫州亦幸未破三四月間竄入崇仁樟樹鎮吉安峽江並占踞瑞州府城分擾奉新靖安武甯義甯各州縣五月間又竄湖北之興國大冶蒲圻崇通等處此北三股也其由兩廣竄入自南而北者二股一日廣東股匪其頭目有周姓許姓上年十月由仁化樂昌闖入江境圍攻信豐南豐建昌各城連陷河口興安德興婺源十一月初經左宗棠攻克德安兩城該逆遂歸併徽州城賊黨一日廣西股匪其頭目爲朱衣點彭大瞬等本右達開餘黨由廣西竄出湖南經過南贛陷福建之汀州回竄江西蹂躪甯都建昌河口等處其前隊已由婺源竄浙後隊尙停留撫州屬境此南二股也五大股中又各爲三支四支忽分忽合時南時北是以頭緒紛煩御史華祝三所稱去秋竄擾甯都撫建者廣東周姓等一股也今春由玉山撫州建甯陷吉安瑞州者僞忠王李秀城一股也論旨所指_臣奏樂平鄱陽肅清者僞侍王一_臣股也疏科奏撫建解圍吉安新淦失而旋復者亦僞忠王一_臣股也江西本_臣統轄之區自應力籌兼顧_臣處張運蘭江長貴朱品隆各軍皆駐防徽境斷難移動左宗棠一軍則久在江西之北境援剿饒州廣信各屬並未入皖六月初旬始以一半畱江之景德鎮一半移皖之婺源勢難再顧他處惟鮑超一軍爲江皖兩省游擊之師二月間忠賊由建昌_臣撫州_臣恐省垣震動卽飭鮑超由湖口起援旋因撫建解圍樂平危急不得已調鮑超先救景德鎮不果入省迫浮梁肅清而皖北陳四眼狗大股攻撲安慶圍師之背勢更危險_臣移紮東流又調鮑超援剿集賢關之賊五月初間始將關外赤岡嶺四賊壘圍剿淨盡_臣與胡林翼商令成大吉一軍回援鄂省鮑超一軍回援江西鮑超於五月十五日集賢關拔營行抵宿松被紳民苦畱圍攻宿城五日未下正擬帶隊西行狗逆忽從南岸邀僞輔王楊輔青及林紹璋黃汶金各股將由桐城復援安慶雖下游各軍追望援師而_臣權衡緩急仍檄鮑超迅由九江直搗建昌先保江西省城不能兼顧安慶此_臣派鮑超援江西之先後節次也瑞州及各縣踞賊逼近南昌前經撫_臣毓科商畱副將張運桂老湘營千人並調遊擊劉勝祥一營扼紮城外會同江西省原有官兵協守又得內河水師節節布置省垣重地尙無疏虞又有劉于濤二千人紮堵安義實後營千人紮營生米丁俊二千人駐守臨江皆爲省垣西路屏蔽此次鮑超由東北進鄂軍由西北進兩路夾擊賊如敗遁必不敢窺伺省城但恐官軍追急仍回竄吉安一路_臣擬飭總兵陳金鼐帶新募千勇移紮吉郡並添撥陸軍數百水師兩營以資控禦又飭贛南道李瀚章固守贛城以杜竄突至李金陽戰敗陷賊旋即逃出_臣已訊明正法矣又奏查六月初旬祁門嶺外之賊連日犯嶺朱品隆出隊擊之賊遂遠遁皖北僞璋王輔王諸逆從霍山越嶺圍攻太湖陳四眼狗盤踞桐城之

三塘埂將來攻多隆阿一軍再撲安慶圍師之背安慶城外賊壘十八座經會國荃全數踏平將賊眾八千餘人圍殺淨盡此次賊黨前來報仇計日內必有大戰儻蒙 皇上威福再行擊退城池可復矣江西之賊西路僞忠王一股分擾德安建昌去省甚近臣見派鮑超全軍往援必可得手東路朱衣點一股蔓延金谿鉛山等處臣尚未派有援兵湖北之賊南岸蒲圻咸甯崇通均已肅清惟大冶與國未靖見派成大吉一軍往剿北岸德安黃州蘄州隨州等城均尚爲賊所踞與下游桐城霍山等處之賊黏連一片剿辦實屬不易幸官文胡林翼李續宜俱在鄂省武漢根本之地深固無虞均報聞○予福建陣亡知府孫家良遊擊生麟等祭葬世職○丁未諭軍機大臣等前因巴棟阿馮子材屢奏逆匪踞擾沙洲江防緊要請專派大員總統下游師船駐泊鎮江當經 皇考大行皇帝諭令都興阿黃彬卽飭總兵吳全美速赴下游總統鎮江至江陰一帶師船就近防剿並於駐泊北岸之總兵陳國泰周希濂李德麟三員內酌量添派並分撥師船前赴鎮江駐泊歸巴棟阿等調遣妥爲布置茲據都興阿黃彬將長江水師南北上下游布置情形縷晰陳明並繪圖貼說馳奏前來據稱江面各幫船隻分防各口本屬不敷所恃事權歸一將士用命無論何處有警皆可立時酌調飛援若添派鎮江江陰另一總統又撥兩總兵分船數十號歸鎮江調遣轉致事權不一呼應不靈又聞下游各口賊船多假官軍旗幟圖謀出竄水師若再分屬許冒更恐難以稽查嗣後遇有緊急黃彬勢須兼顧北岸其水師督戰卽飭吳全美前往統率以專責成等語自係實在情形著都興阿等卽按照所奏辦理嗣後南北兩岸上下游水師防剿均責成都興阿黃彬隨時與巴棟阿馮子材聲息相通妥籌策應鎮江孤城堅守如因水師策應不及致有疏失惟都興阿等是問將此由六百里各諭令知之○諭前據張亮基奏徐之銘擅殺就撫回民倡令浙江候補馬椿齡自盡殺斃通海縣知縣雷霖種種貽誤各情並據徐之銘奏升任雲南巡撫鄧爾恆在曲靖被戕一節疊經 皇考大行皇帝諭令劉源瀚查辦嗣據徐之銘奏回匪假撫攻襲省城馬椿齡途次病故雷霖被傷身死均請議卹鄧爾恆被戕別有情由並與張亮基意見不合各摺片與張亮基前參徐之銘各款均不相符著福濟於到任後詳細確查將張亮基與徐之銘辦理回務如何意見不合鄧爾恆如何被戕情形馬椿齡雷霖如何身死並張亮基所參徐之銘各款及交劉源瀚查辦各件一併秉公詳查具奏將此由五百里諭令知之○戊申諭軍機大臣等勝保奏切陳皖豫大局棘手情形一摺前因苗練託名就撫未將盤踞正陽霍邱之眾撤退其黨復由潁州竄豫意在竊據淮甸控制江河 皇考大行皇帝明降 諭旨命勝保督辦安徽河南剿匪事宜並 諭令以剿捻之名爲制苗之策原以專倚畀而一事權茲據勝保憑陳苗練今昔情形不同辦理實形棘手請另簡大臣畀之經略各等語該大臣公忠體國朕所素知豈可因時事艱難稍存諉卸仍當遵前

旨俟北路肅清後再行統兵南下彼時勒撫兼施使民團不受該練脅制以孤其勢是在該大臣相機辦理朕亦不爲遙制該大臣受 皇考厚恩諒能事事仰體實力籌辦所請另派大員經略之處著毋庸議見在直隸山東一帶伏莽尚多該大

臣仍當就見有兵力激勵將士痛加勦洗不可稍形鬆懈將此由六百里諭令知之○以毛鴻賓爲湖南巡撫華日新屬江蘇布政使由廣西拔○已酉命議行三年喪卻羣臣以日易月之請○子河南陣亡參將古昌等祭葬世職○恭親王奕訢

奏請前赴熱河叩謁 梓宮允之○以蔣益澧爲廣西按察使記名拔○辛亥袁甲三奏據張學醇等稟稱該司會同博崇

武進壽州城後查明從前擅殺一案實係蒙時中德恩遂諭令蒙姓族眾將蒙時中綱送到案博崇武帶齊十八坊練總親

赴下蔡與苗沛霖會晤議定城練聽官調度不許城內設局苗練即全數撤退其事已有定局維時壽城由東南鄉買糧千

餘石東南各圩練總護送入城行至東津渡遇東地方適遇苗練巡哨彼此懷疑接仗互有殺傷苗練退回營內各圩練總

亦即運糧進城而壽城練董從中簸弄是非以致苗沛霖必欲壽城先助口糧然後撤退壽城必欲苗練先行撤退再助口

糧並傳苗沛霖作有克復壽州入論愈以激怒人心見在苗練仍未進攻壽民嬰城固守亦未迎敵已飛飭博崇武極力

排解能否即日釋然尙難豫定至苗練西竄一股始因洪河一帶土匪搶奪商賈不通苗沛霖派令苗憬開苗希年帶練

前往詎苗憬開等爲西路土匪所勾擾及豫省邊境聞爲該省兵練擊敗是否確切尙未接豫省咨報其屯紮泗靈境內之

練係都司丁潮臣管帶此次派員開導該都司單騎來見並云伊雖苗沛霖部眾心實非之如苗沛霖從此反正仍當與之

勦賊儻別有異謀斷不隨同叛逆已給予札諭飭同副將宋慶辦理滄北一帶團練又懷遠練總邵徵祥等均向隨苗沛

霖辦練前因捻匪劉秉乾竄踞李家嘴圩寨相距龍亢不遠爲懷遠切近之災臣酌給子藥飭令帶練圍攻邵徵祥等頗爲

感奮見擬酌撥官兵一千名前往助其勦賊實欲收服其心爲我所用使苗練之勢自孤總之苗沛霖性本陰鷙臣觀其所

爲非不知感知懼而枝節屢生似有不能自主之意此時速與決裂則兵連禍結從此無挽回之機不得不委曲求全以維大

局臣見調張學醇來營細詢一切情形與李世忠妥爲籌商並飛飭博崇武趕緊調停如該練全行撤退自當妥爲駕馭責令

勦賊立功儻陽作緩兵之計而陰蓄肆擾之謀臣即一面攻其腹心一面明白曉諭聲罪致討爲次第掃除之計又奏臣因苗

練不肯撤退又加派縣丞李國玠持札赴下蔡曉諭茲據回稱苗練又以黃鳴鐸吉學盛勾引土匪進城爲詞必欲圍攻壽州

其心實不可問並給臣稟函貌似恭順實則強詞奪理其狂悖跋扈之狀溢於紙上非以兵力制之斷不能就我範圍並稱

查壽壽城因苗練要挾無已黃鳴鐸吉學盛皆有自危之心率眾堅守誓不相下邀約南路王丹等練以爲犄角接應連日

東

接仗苗練傷亡甚多雖博崇武等極力調護而壽人不免疑其左袒見與總兵廣瑞尹善廷等均住城外營盤其營中兵勇乏食臣富籌銀兩送往以維軍心查苗沛霖中懷叵測臣所以屢示優容者原以孫家泰等均非善類是以允為辦理乃徐立壯孫家泰及主謀之蒙時中或滅除或監斃或細獻該練仇怨已伸又復以黃鳴鐸為詞無論所稟黃鳴鐸各情支離牽扯難以憑信即令許以查參而參黃鳴鐸之後焉知其不另有要挾且壽州兵練之心亦不可使有觖望致令羣情解體此萬不能再事包容之實情也但該練人數不下十餘萬往往圍攻一寨累月經旬期於必破其勢不易埽除況臨淮四面皆賊無一路不須嚴防而在營不過萬餘人何可稍形孟浪見與李世忠商調總兵朱元興酌帶隊伍由滁州來臨二面仍與和解俟我兵一齊即迅速進剿使其應接不暇臣又將丁潮臣一股收撫使為我用其龍亢等處之練攻破李家蒿賊營臣復為具奏請獎該處練眾亦有欣欣向官之意此兩處歸官苗練之勢已去大半此外沿淮被偏各寨臣與李世忠已暗中收撫並因朱元興本係壽人可以聯絡壽州東南各團若淮南再能一律歸官則苗練雖欲反覆兵練之力均足制之其西路團練應如何策應已函屬賈臻安速籌辦至潁東各練本屬一意從官歸張學醇統帶近因賈臻不與接洽人心復散昨接該署撫來信郡城以外均已附苗其如何辦法臣亦未得其詳應請飭下該署撫亟思自強勿以請兵請將為塞責之地且該署撫既不能顧及壽州而壽州以上匪勢縱橫日久愈難收拾並請飭下該署撫親自帶隊酌量進駐勿株守潁郡置各處於不顧也上諭軍機大臣等袁甲三奏苗練圍壽之隊尚未全撤見飭博崇武極力排解又據奏苗練藉口要挾不肯撤退練勇見籌添兵剿辦各一摺苗沛霖以黃鳴鐸等勾引土匪進城為詞必欲圍攻壽州其蓄意謀叛已可概見勢難再事羈縻袁甲三已與李世忠酌商飛調朱元興帶隊赴臨淮一面仍暫與和解俟兵力一齊即迅速進剿並收撫丁潮臣等股以孤其勢苗練人數眾多該大臣既欲制以兵力必須謀定後戰計出萬全方為妥善著即與李世忠相機籌辦並飭朱元興聯絡壽州東南各團練使其一律歸官則該練進退失據剿辦自易為力前經 皇考大行皇帝諭令賈臻侯潁州蒞事即行馳赴壽州鎮撫茲據袁甲三奏請飭該署撫帶隊進紮勿株守潁郡自保正辦但賈臻係該大臣幫辦之員如果潁州布置已妥袁甲三即當就近調度令其前赴壽州豈必請旨飭催若潁郡城外各練均已附苗該署撫正在籌辦亦恐不能前往袁甲三既稱苗練遠與決裂則兵連禍結復稱非以兵力制之不能就我範圍於應撫應剿機宜究屬毫無定見見在該練要挾無已若再徒事遷就必致養癰貽患該大臣惟當與李世忠竭力籌辦設法殄除並須兼顧壽州不可稍有疏失致干重咎將此由六百里諭令知之○予江西兩難同知王順會祭葬世職○王子諭內閣朕惟恩同罔極孝莫大於尊親德合无疆禮不兩由故本願

必期夫美備顯揚務極夫推崇欽惟 孝德皇后作配 皇考懋著徽音 坤儀示式乎邦家 懿範允孚於宮壺朕緬懷

慈德感慕彌殷茲恭上 皇考大行皇帝尊諡宜並追崇敬上 尊諡用展孝思式垂萬禩該衙門詳察典禮具奏○諭軍機

大臣等本日據崇實奏請飭福濟專防陝南貴成駱秉章辦理四川軍務並陝防兵飭請暫由陝撫借撥各一摺駱秉章正在

川北剿辦藍逆一股布置進兵見已身任兼圻事權既一責無旁貸所有川省剿賊事宜著卽妥爲調度相機剿辦以期次第

廓清毋任蔓延爲患崇實與駱秉章辦理軍務意見均合著俟駱秉章到任後卽馳赴川陝交界接辦防堵事宜招募游勇流

弊滋多崇實既深悉其害到防後卽就見有官兵妥爲布置勿令隨營員弁添募川勇致令貽害地方至川省經費支絀亦係

實在情形所有防陝兵勇餉項卽著瑛榮暫行借撥俟軍務稍平仍由川省籌撥歸款將此由六百里各諭令知之○劉長佑

奏據署思恩府徐引稟報上林縣積匪李錦貴等勾結石逆分出劫掠李錦貴與石逆合攻武緣大山圍潰走上林復率眾數

千往撲三里堡該署守分途援剿擒斬僞宰輔陳姓等四百人李錦貴族伙冥誅其黨解散該署守乘勝進攻賓州僞官朱

進久屢戰皆北勢已不支適黎村積匪宋扶桿糾合旁近數十村土匪前赴救援石達開亦派呂姓賊目帶悍賊二千餘人分

攻各團以圖牽掣該署守督飭團紳陸生蘭等分投防剿並出示招安各村土匪獨宋扶桿等恃眾負隅石逆復屯紮襲村廬

村等處勢頗鴟張該署守商同遊擊郭承修等添調壯練絕其糧道四面合團以圍之臣查知附從石逆之貴縣賊匪黃三宣

化賊匪李青璇等皆有投誠之意當派同知陳瀚馳赴賓州會同徐引等籌辦剿撫該員行抵武緣與團紳林源海集練三千

人至賓州協剿時黃三已回貴縣隨遣廩生陶光撫諭李青璇情願誘擒逆黨賴積新以自贖詎石逆潛於六月初九日夜間

竄往貴縣徐引等當將州城克復見在該逆勢成弩末斷不可任其死灰復燃已飛飭潯州府及貴縣文武會合徐引陳瀚

等確探賊蹤嚴行擒斬其南甯之橫州鬱林之興業廣東廉州之靈山合浦均與貴縣毗連蔣益澧劉坤一進兵潯州亦相距

不遠並卽咨行各路一體堵截勿使奔逸漏網報聞○子廣西陣亡參將李運紹等祭葬世職○癸丑諭內閣朕惟禮先報本

尊崇當溯厥由來義在制宜孝思必循夫典則雍正十三年 皇高祖高宗純皇帝恭加 列聖 列后尊諡會欽奉 聖諭

崇先特典後世子孫不得奉爲成式是以我 皇考大行皇帝於道光三十年恭加上 列聖 列后尊諡於 列聖尊諡已

加至二十二字者未敢復議加上 列后尊諡已加至十六字者亦未敢復議加上朕紹承大位祇遵 憲典敬念 詒謀其

有 列聖尊諡未加至二十二字 列后尊諡未加至十六字者均宜恭謹尊崇顯揚 盛美該衙門詳稽典禮敬擬奏聞尋

大學士等議奏加上 宣宗成皇帝尊諡曰 宣宗效天符運立中體正至文聖武智勇仁慈儉勤孝敏寬定成皇帝 孝淑

宣宗成皇帝尊諡曰 宣宗效天符運立中體正至文聖武智勇仁慈儉勤孝敏寬定成皇帝 孝淑

咸豐十一年 七月

睿皇后尊諡曰 孝淑端和仁莊慈懿敦裕昭肅光天佑聖睿皇后 孝和睿皇后尊諡曰 孝和恭慈康豫安成欽順仁正
應天熙聖睿皇后 孝穆成皇后尊諡曰 孝穆溫厚莊肅端誠恪惠孚天裕聖成皇后 孝愼成皇后尊諡曰 孝愼敏肅
哲順和懿誠惠熙天詒聖成皇后 孝全成皇后尊諡曰 孝全慈敬寬仁端愼安惠符天篤聖成皇后 孝靜康慈皇后尊
諡曰 孝靜康慈端淑弼天撫聖皇后得旨是○甲寅毓科奏瑞郡之賊分股竄陷新昌奉新臣札飭水師參將孫昌國督率
礮船沿河巡緝堵其下竄省河之路並飭催劉子潯作速進攻奉新之賊初欲東竄安義因被擊分股北竄一趨靖安一趨武
甯靖安縣知縣陶輔昌派把總江殿龍帶勇駐紮距城五里之小山口四月十五日賊繞出小山口後突撲縣城該縣等連日
守禦頻擊卻之二十三日賊復大股麇集圍攻數重東南隅被礮轟塌縣城遂陷該縣等投水遇救先是武甯縣知縣翁延緒
等以牽牛嶺朱茅山係屬要路派把總吳鳳儀等各帶兵團分守四月十二日賊由爛草湖山僻援崖而入外委張青聞警馳
禦賊復由蚶場包鈔張青力竭陣亡十三日賊竄偏縣城對河之南渡街該縣等用礮轟擊賊勢少卻次日復有另股賊匪攻
撲西門南岸之賊覓水渡河即由南門援堞而上城遂被陷該縣經親兵搶護以出新昌之賊一股竄至銅鼓營經都司宛春
華擊卻一股分竄萬載經知縣魏邦達派優貢廖連城等帶領團勇由新昌港口分道而出遇賊於廬田出軍功郭有春先馳入
陣連砍悍賊四名各勇三面環擊殺斃並生擒共三百七十餘名賊遂敗竄二十日各營齊抵西門隔河而軍用礮轟塌望樓
一座擊斃守城垛賊十數名賊堅伏不出廖連城令各軍佯退誘其出城賊果傾巢而出各軍回擊賊即奪橋而奔殲斃及溺
死者無數追至城下各軍分攻西南兩門時新昌縣知縣趙樸庭亦率勇馳到該逆因攻圍緊急即於二十一日夜開門奔竄
我軍追殺賊匪多名救出難民千餘人即將新昌縣城收復其宛春華擊卻之賊北竄義甯州攻撲州城署知州胡傑等帶領
兵勇迎擊屢有斬擒詎賊股由南門墻口衝入州城即陷該知州遂赴各鄉招集民團以圖收復不料湖北通崇賊匪悉數竄
踞州境之官墩地方與踞城之賊互為聲援胡傑派千總黃雲龍等帶勇伏於梅嶺自率團丁屯於來蘇渡口六月十二日賊
出隊軍功會省三帶勇衝入殺賊多名梅嶺伏兵悉起策應賊眾返奔時已革皖南道李元度帶安越軍由湖北通城馳至即派
吳蘭蕙等直擣官墩賊巢賊不意大軍驟至不戰而潰次日該道分路進攻先將城外賊壘一律踏平賊即逃入城中我軍進薄
城下時胡傑宛春華等亦率勇馳至十四日各勇攀堞而上賊開門向新昌大路竄逸遂將州城克復劉子潯於五月初二日統
帶水陸各軍進攻奉新又分軍並攻靖安賊堅伏不出該道復調安義團勇及保靖保奉團軍分守要隘自統親兵與知縣鍾泰
等軍攻靖安七十八等日誘賊出城分軍鈔擊哨官蕭新全擒其偽將李廷珍各軍乘勢衝突殺斃不少賊遁入城次日復多

軍奉新連日環攻賊仍伏匿偵知竄擾湖北武昌逆匪糾合興國大冶等處各股悉數內犯六月十二日該逆大股直撲安義縣城該道移軍援擊連斬紅旗大小賊目三十餘名賊勢大卻悉向台山而逃我軍追至靖安縣仁首地方忽山後伏賊擁擁而出該道分軍鏖戰不料奉新援賊又至勢不可支卽收軍退紮萬家埠因河水淺涸賊船不能得力又退泊新建縣之樂化地方當經臣札飭該逆作速相機進剿見在新昌義甯雖經收復而瑞郡及奉靖武三縣賊勢披猖距省均在二三十

雖廣信撫州各有防軍均爲閩浙賊匪所牽掣此外無兵可調省垣頗形岌岌見已督飭司道文武各官布置城守事宜並

飭嚴查奸宄以靖內訌復疊催鮑超一軍迅速來江援應並飛咨督臣曾國藩就近飭催上諭軍機大臣等毓科奏逆匪自

竄踞瑞郡分陷新昌奉新因江省防多兵少不敷攻剿以致靖安武甯義甯等州縣先後竄陷省城爲之戒嚴見在新昌義甯

雖經收復而瑞郡及奉靖武三縣踞匪負隅如故劉于濤以分軍二千人當各路方張之寇深恐不支廣信撫州各防軍均爲

閩浙皖三路賊所牽掣此外無兵可調省垣勢頗岌岌等語前據曾國藩疊次具奏左宗棠一軍兼顧江皖瑞州各匪逼近南

昌業經飭調副將張運桂老湘營等軍扼守又有內河水師節節布置劉于濤鮑超等軍分路防剿省垣可以無虞茲閱毓科

所奏情形江西賊勢蔓延必須趕緊剿辦克復各城者曾國藩左宗棠酌量緩急妥籌兼顧務使江西股匪次第肅清鮑超一

軍會國藩諒已飛催策應徽州既經克復皖南軍情亦當稍紓左宗棠能否分投援應並著妥爲籌度毋誤事機將此由六百

里諭令知之○乙卯以王大臣等援喪服舊章籲請定縞素百日仍素服一千七月○予江西陣亡道員郭式源江蘇陣亡鹽知

事蔡祖存祭葬世職○丙辰諭軍機大臣等福濟奏提臣傷病舉發所帶官兵應另派員管帶等語前因川匪竄擾劍州陝兵喫

重饑福濟奏明將前任提督孔廣順調防幫辦所有固原備調兵八百名由瑛榮等迅飭赴防卽交孔廣順管帶聽候福濟調遣

茲據福濟奏稱孔廣順傷病舉發難期速愈前項官兵自應另行派員管帶福濟見已補授雲貴總督陝防已交成都將軍崇

實接辦所有前項固原備調官兵八百名著瑛榮卽派員管帶赴防聽候崇實調遣至陝防兵餉急需據福濟奏稱由該撫籌

解過銀一萬兩業經支撥所餘無幾著瑛榮仍遵前旨由陝借撥俟川省軍務稍平再行籌撥歸款將此由六百里諭令知之

○論據福濟奏崇實自署任川督接辦軍務毫無布置聽賊奔竄民間有從此燭之謠又安坐衙齋未出省門一步軍情大事

悉委私人使貪功冒餉之徒濫竽省會陷陣衝鋒之將銜恨疆場占泰轉戰至羅江縣屬之阜角鋪被賊圍困該署督擁兵不

援以致遇害又於堅守孤城戰功疊著者吝而不賞於安居省城未經行陣之人則不次獎擢以致將士解體委署州縣各缺

該署督必面較錙銖縣丞徐萬有侵吞公項囊捲回籍被古城紳團阻畱松潘番夷滋事將及一年該文武困守危城以血書求

更進貴錄一司台一
咸豐十一年七月八月